

Annertuumik innarluutillit ikiorserneqartarnerat pillugu Namminersorlutik Oqartussat nalunaarutaat nr. 19, 16. decemberi 2010-meersoq Atuussimasoq (Historisk)

Annertuumik innarluutillit ikiorserneqartarnerat pillugu Inatsisartut peqqussutaanni nr. 7-imi 3. november 1994-imeersumi § 3 imm. 2, § 5, § 8a, § 11, imm. 4 § 12, imm. 4 § 15, § 18 imm. 3, § 20 imm. 2, § 21 imm. 2, § 22 imm. 2, § 25 imm. 3 aamma § 25a imm. 2 naapertorlugit, kingullermik allangortinneqartoq Inuit annertuumik innarluutillit ikiorserneqartarnerat pillugu Inatsisartut peqqussutaata allangortinneqarnera pillugu Inatsisartut peqqussutaanni nr. 10-imi, 31. maj 2010-imeersumi tunngavigalugit makku aalajangersarneqarput:

Kapitali 1

Atuuffii aamma nassuiaatit

§ 1. Nalunaarutip matuma atuuffigai inuit annertuumik innarluutillit.

§ 2. Inuit annertuumik innarluutillit paasineqartussat tassaapput timimikkut eqqarsartaatsimikkulluunniit ajorunnaarsinneqarsinnaanngitsumik nappaateqarnertik, ajoqusersimasuunertik imaluunniit amigaateqarnertik pissutigalugu, piginnaasamikkut annertuumik annikillisaaffigineqarsimasut. Piumasaqaataavoq piginnaasat annertuumik annikillismanerisa pilersissimassagaat annertuumik annaasaqarneq imaluunniit inuup ulluinnarni nalinginnaasumik inuuneqarnissaminut aammalu inuup innuttaaqataasut allat assigalugit inuiaqatigiinni peqataanissaanut periarfissaasa killilerneqarsimanerat.

Imm. 2. Timikkut imaluunniit eqqarsartaatsikkut nappaateqarneq, ajoqusersimaneq amigaateqarnerluunniit ajorunnaarsinneqarsinnaassanngilaq, inuup inuunermi sinnera tamaat timikkut imaluunniit eqqarsartaatsikkut, ajoqusernikkut amigaateqarnikkulluunniit nappaatini attatiinnassagaa ilimagineqartariaqarsimappat.

§ 3. Piginnaasat annertuumik annikillineqarsimasut paasineqassapput inuup ajorunnaarsinneqarsinnaanngitsumik timikkut imaluunniit eqqarsartaatsikkut nappaateqarnini, ajoqusersimani imaluunniit amigaateqarnini pissutigalugit:

- 1) nammineq pisariaqartitani isumagisinnaanngippagit, assersuutigalugit timikkut eqqiluisaarneq, atisalersorneq, nerineq assigisaallu, imaluunniit
- 2) illup iluani silamilu nammineerluni angalasinnaanngippat, ilanngullugu niuertarfilerineq, allanut pulaarneq, nalinginnaasumik sukisaarsartunut peqataaneq assigisaalu ilanngullugit eqqarsaatigalugit, imaluunniit
- 3) inunnut allanut attaveqarsinnaanngippat.

Imm. 2. Annertuumik piginnaasat annikillismanerat pilersimasinnaavoq inunnguuseralugit imaluunniit kingusinnerusukkut pilersunik timikkut ajorunnaarsinneqarsinnaanngitsunik nappaateqalorneq, ajoquserneq imaluunniit amigaateqarneq, assersuutigalugit tusilartuuneq tusaasinnaassutsilluunniit

annikilleriarsimanera, nukitsigut noqartoortarneq pissutigalugu nukinnik aqutsisinnaannginneq allatulluunniit nukillaarnerit, noqartarneq, oqalunniarnikkut ajornartorsiuteqarneq, timip pisataanik amigaateqarneq, uummatikkut/taqqatigut/tartukku/-tingukkullu ajoquteqarnerup kingunerisai, gigteqarneq kiisalu kromosomitigut ajoquteqarneq.

Imm. 3. Piginnaasat annertuumik annikillinerat pilersimasinnaavoq inunnguuserisatut imaluunniit kingusinnerusukku pilersumik ajorunnaarsinneqarsinnaanngitsumik tarnikkut nappaateqarnikkut, ajoqusernertigut imaluunniit amigaateqarnikkut assersuutigalugit nammineq silarsuaaqqamiittarneq, eqqarsartaatikku ineriartoqqinnerup amigaataanera, eqqarsartaatikku kinguarsimasuuneq, nappaatigalugu isummakku avissimasutut ilineq.

Imm. 4. Piginnaasat killeqarnerat napparsimagallarnermik pissuteqarpat nalunaarut manna malillugu ikiorsiisoqarsinnaanngilaq.

§ 4 . Napaatit, ajoqusernerit imaluunniit amigaatit, tamarmik immikkut annikinnerusumik piginnaasanik annikillisitsisuusinnaasut, tamarmik katillutik piginnaasatigut annertuumik annikillisitsisuusinnaapput, § 3, imm. 1-mi piumasarineqartut naammassineqarsimappata.

Imm. 2. Piffissami aalajangersimasumi napparsimanerit, ajoqusersimanerit imaluunniit amigaateqarnerit, piginnaasat annikillinerata tamakkiisumik missingersuusiorneqarneranut ilanngunneqassanngillat.

§ 5. Kommunalbestyrelsi aalajangiisinnaavoq inuup peqqissutsimigut pissusaa annertuumik innarluutilittut paasinninnermut ilaatinneqassanersoq.

Imm. 2. Annertuumik innaarluuteqarnermik taaguutip nalilersorneqarnerani tunngavissatut nakorsat suliamut tunngatillugu paasissutissiissutaat pigineqassapput.

Imm. 3. Piginnaasat annertuumik annikillisimanerannut uppersaait pigineqassapput aammalu pigineqassallutik timikkut tarnikkulluunniit nappaateqarnermik, ajoqusersimanermik amigaateqarnermilluunniit uppersaait.

§ 6. Piginnaasat annertuumik annikinnerulersimanerat illuatungilerniarlugu iluaqusersuutiniq ikiorsiisoqarsinnaavoq. Ikiorsiiniutigineqarsinnaasut tassaapput assigiinngitsutigut siunnersuisarneq, ilitsersuisarneq, tapersersuisarneq, paaqqinnittarneq imaluunniit iluaqusersuutiniq tunniussaqaarneq.

Kapitali 2

Iluaqusersuutitigut Ikiorsiissutit

Ikiorsiissutit

§ 7. Iluaqusersuutit annertuumik innarluutillip ulluinnarni inuuneranut oqilisaataasussat akuersissutigineqarsinnaapput.

Imm. 2. Iluaqusersuutit ajornanngippat atukkiussatut tunniunneqartassapput.

Imm. 3. Iluaqusersuutit pisiarineqarneranni ikiorsiissuutit taamaallaat tunniunneqassapput innarluuteqanngitsut namminneq illumilu atugassamittut pisiarisartagaannut sanilliullugit aningaasartuutit annertuumik amerlanerussuteqarata.

Imm. 4. Iluaqusersuutitut inoqutigiinni nalinginnaasuni nalinginnaasumik atorreqartartunut akuersissuteqartoqarsinnaanngilaq.

§ 8. Iluaqusersuutitut timip pisataanut iloqissersimasunut amigaataasunulluunniit ornavaffiusut, qerattaqqusersuutaasut iluarsissutaasulluunniit nalunaarut manna malillugu akuersissutigineqarsinnaanngillat.

Imm. 2. Taamaallaat pissutsini immikkut illuinnartuni napparsimmavinni peqqinnissaqarfiulluunniit paaqutarinniffiini uninngasunut timikkut iluaqusersuutitut akuersissuteqartoqarsinnaavoq.

§ 9. Pisortat ilinniarfiini ilinniarfitsinermi inuit annertuumik innarluutillit peqataanerannut iluaqusersuutitut nalinginnaasunik atugassanngortitsinernut nalunaarut manna tunngavigalugu akuersissuteqartoqarsinnaanngilaq.

§ 10. Iluaqusersuutitut siunnersuisup suliamik immikkut ilisimasaqartup sapinngisaaq naapertorlugu siumoortumik inassuteqarneratigut akuersissutigineqartassapput.

§ 11. Iluaqusersuutitut §§ 7-10 malillugu atugassiissutigineqarsimasut iluarsartinnerannut aserfallatsaalineqarnerannullu akiliussisoqarsinnaavoq, iluaqusersuutitut atorreqarsinnaanerisa iluarsaanisaaq aserfallatsaaliinissarlu pisariaqartippassuk.

Imm. 2. Kommunalbestyrelsep pissutsini ataasiakkaani tamani nalilersortassavaa iluaqusersuutitut taarserneqarnissaat imminut akilersinnaanerunersoq.

Annertunerusumik aningaasartuutit

§ 12. Inuk annertuumik innarluutilikinnarluuteqarnerminik pissuteqartumik annertunerusumik aningaasartuuteqartarpat, annertunerusumik aningaasartuutaanerusunut taakkununga aningaasatigut ikiorsiisoqarsinnaavoq.

Imm. 2. Annertunerusumik aningaasartuuteqarnerit pilersinnaapput assersuutigalugu makkunatigut:

- 1) Angerlarsimaffimmut nutaanik pequtitsinermi angerlarsimaffimmi atortussanik allanik pisinermi, atortussaaq aalajangersimasooq akisuujusartorlu pisariaqavissuusimappat
- 2) Atisanik skuunillu pisinerni, innarluutigisap nassatarisaanik taakkua allanik sukkanerusumik aserfallatsinneqartarpat
- 3) Nerisassanik immikkoorutilinnik pisinerni, tamanna innarluuteqarnerup pisariaqartippagu, assersuutigalugu sapigaqartuuneq
- 4) Errorsinermi immikkut aningaasartuutitut
- 5) Paaqqinninninermi aamma eqqiluisaarnermi atortunik pisinerni, soorlu nangernik ataasiaannarlugit atortakkanik, nangernik quiffiusinnaasunik il.il., peqqinnissaqarfiup tunniuttagarinngisaannik.
- 6) Taxarnernut, najukkami angallassissutit atorsinnaasut allat pigineqanngippata.

Imm. 3. Aningaasartuuteqarneruneq naatsorsorneqassaaq nalinginnaasumik aningaasartuutitut innarluuteqarnerlu pissutigalugu immikkut aningaasartuuteqarnerit assigiinngissutaat sapinngisamik naapertorlugit.

§ 13. Aningaasartuuteqarnerunertut taamaallat oqaatigineqarsinaapput, aningaasartuutaanerusooq 500 kr.-nik annertuneruppat.

Imm. 2. Aningaasartuutit arlallit, katillutik 500 kr.-nik annertunerusut, matussuserlugit aningaasaliiffigineqarsinnaapput.

Imm. 3. Aningaasartuutit ingerlaavartut, ataatsimoorussamik qinnuteqaatigineqartut aningaasartamikkut 500 kr.-nit sinnerlugit amerlassuseqartut, matussuserneqarsinnaapput. Ukiumut aningaasartuutit 500 kr.-nit ataallugit annertussuseqartut aningaasaliiffigineqarsinnaanngillat.

Siunnersortitut ikiortit

§ 14. Inuk annertuumik innarluutilik pisariaqartitsinini naapertorlugu siunnersortitut ikiorteqarnissaminik pisinnaatitaaffeqarpoq.

Imm. 2. Pisariaqartitsineq naapertorlugu siunnersorteqarnissaq paasineqassaaq inuup annertuumik innarluutillip immikkut ittumik siunnersorneqarnissaminik pisariaqartitsineratut imaluunniit ilitserorneqarnissaminik, iluaqusersuutitut nalunaarummi maani pineqartunut sulisunik atorfeqartitanik suliaralugit naammassineqarsinnaanngitsunut tunngatillugu.

Inigisap aaqqissuunneqarnera

§ 15. Inuup annertuumik innarluutillipiniginisani immikkuullarissumik aaqqissuunneqarnissaa pisariaqartipagu, tamatumunnga ikiorsiissuteqartoqarsinnaavoq. Inigisap aaqqissuunneqarneranut ikiorsiisoqarsinnaavoq, inuk namminerisaminikk najugaqarpat, allat ilagalugit najugaqatigiiffimmi imaluunniit najugaqatigiiffimmi immikkut nakkutigisami, taamaaliornikkut inuk najugaqarfimmini imminut ikiorsinnaalersinnaappat.

Imm. 2. Inini attartortittakkani nalinginnaasumik atortulersuutitut ikiorsiissuteqartoqarsinnaanngilaq.

§ 16. Inigisap aaqqissuuneranut ikiuinermi ilaatigut pineqarpoq inigisamut isertarfimmut tunngasut, ilaatigut silataani isaarissap tungaanut aaqqissuussinerit assigisaallu.

Imm. 2. Ikiorsiissuteqarnermi inigisamut atatillugu quiliorneq assigisaanilluunniit sananeq aamma ilaatinneqarsinnaapput, annertuumik innarluutilik atortunut ikiorsiissutitut inissiiviginnaasaminik peqarnissaminik immikkut ittumik pisariaqartitsippat, assersuutigalugu qamutit motoorillit.

§ 17. Kommunalbestyrelsip nalilersussavaiallanngortitassat suut pisariaqarluinnartuunersut, allanngortitsinermilu aningaasartuutit naatsorsuusiussallugit. Kommunalbestyrelsip pissarsiarissavai sanaartortitsinermi aamma ikuallattoornermi oqartussat allannguiniarnermut akuersissutaat, kiisalu aamma inissiamik piginnittup akuersissutaa.

Imm. 2. Suliap suliarineqarnissaanut isumaqatigiissuteqarnerit kommunalbestyrelsip isumagissavai aammalu suliarineqarnerini nakkutiginnittuussalluni.

Qamutit motorimik ingerlatillit

§ 18. Qamutit motoorillit, biilit ilanngunnagit, kommunalbestyrelsimit akuersissutigineqarsinnaapput annertuumik innarluutilik najugaqarfinni angallassitutinit tamanit ilaaffigineqarsinnaasunit tikinneqarsinnaanngitsuni, matumani aamma taxat eqqarsaatigalugit,

najugaqarluniluunniit ulluinnarni angalasarpat.

Imm. 2. Pissutsit immikkut illuinnartut atuutsillugit qamutitik motorilinnik akuersissuteqartoqarsinnaavoq, biilit ilanngunnagit, naak imm. 1-imi piumasqaatit naammassineqarsimangikkaluarpataluunniit.

§ 19. Qamutit motorimik ingerlatillit, kommunalbestyrelsimit akuersissutigineqarsimasut, kommunalbestyrelsimit sillimmaserseqassapput. Inuk annertuumik innarluutilik angallassisummik aalajangersimasumik atuisutut nalunaarsorneqassaaq.

§ 20. Qamutit motorimik ingerlatillit, matumani biilit ilanngullugit, allangortiterne-qarnissaannut akuersissuteqartoqarsinnaavoq annertuumik innarluutillip qamutit motorillit taakku allangortiteqqaartinnagit atorsinnaangippagit.

§ 21. Qamutit motorimik ingerlatillit, matumani biilit ilanngunnagit, ingerlatsinermit aningaasartuutitut, soorlu sillimmasinermit, iluarsaassinermit aamma aserfallatsaaliinermit tamakkiisumik ilaannakortumilluunniit matusissutissanik tapiissuteqartoqarsinnaavoq.

§ 22. Biilinit, innarluutilinnik atorineqarsinnaasunnagortinneqarneranni ikiorsiiffigineqar-simasunut, ingerlatsinermit aningaasartuutitut, soorlu sillimmasinermit, iluarsaassinermit aamma aserfallatsaaliinermit aningaasartuutitut kommunalbestyrelsip tapiissuteqarnissaanut periarfissaqarpoq.

Angallassinermut aaqqissuussinerit

§ 23. Kommunalebestyrelsi inuit annertuumik innarluutillit angallanneqarnissaannut aaqqissuussinermit pilersitsisinnaavoq, tamanna kommunimi immikkut illuinnartumik pisariaqartinneqarpat.

Imm. 2. Angallassinermut aaqqissuussinermit taamaattumut kommunalebestyrelsi biilimik atugassiissinaavoq. Taamanna aaqqinneqarsinnaavoq peqqinnissaqarfiup namminersortu-milluunniit ingerlatsiviup suleqatiginerisigut.

Imm. 3. Taassuma saniatigut kommunalebestyrelsi inuup annertuumik innarluutillip taxamik ingerlanneqartarnissaanut aningaasatigut ikiuisinnaavoq.

Inuit ikorfartortit

§ 24. Inuk annertuumik innarluutilik nammineq inigisamini, aamma ataatsimoorsussamik inissiami imaluunniit nakkutigineqarluni inissiami, imminut ikiorsinnaajumalluni perorsaanermik sulialimmik ikorfartorteqarnissamik pisariaqartitsisoq, sapaatip akunneranut nal. akunnerini aalajangersimasuni ikorfartortilerneqarsinnaavoq.

Imm. 2. Kommunimi inissiamik naleqquttumik allamik neqerooruteqartoqarsinnaangippat, inuit annertuumik innarluutillit utoqqaat illuanni najugaqartut ikorfartorteqarnissamut tiiminik tunineqarsinnaapput.

§ 25. Inuup ikorfartortaaq inuup annertuumik innarluutillip tarnikkut, timikkut aammalu

isumaginnikkut ineriartorteqqinnissaa suliassaraa.

Imm. 2. Inuup ikorfartortaasup inuup annertuumik innarluutillip ulluinnarni suliassanik naammassisaqarsinnaalernissaa pimoorullugu ikorfartussavaa.

Imm. 3. Kommunalbestyrelsi annertuumik innarluutilik 18-it inorlugit ukioqarpat nammineersinnaatitaanngippalluunniit annertuumik innarluutilik, ikorfartortit ikiorti, immaqa aamma sulianut ilisimasalik, angajoqqaatut oqartussaassusilik nakkutiginnittorluunniit peqatigalugit ikorfartortip sulinermini atugassaanik iliussissanut pilersaarusiussaaq. Iliussissatut pilersaarusiaq minnerpaamik ukiup affakkaartumik pisariaqartitsineq naapertorlugu nalilersorneqarlunilu aaqqiissuteqarfigineqartassaaq.

§ 26. Inuk ikorfartortaasoqkommunalbestyrelsimit atorfinitsinneqassaaq, taanna inummut ikorfartortimut sulisitsisutut inissisimasuummat.

Imm. 2. Kommunalbestyrelsip sapinngisamik inuit perorsaasutut ilinniarsimasut ikorfartortit atorfinitsittassavai. Tamanna periarfissaqanngippat, komunalbestyrelsip inuit suliamik ingerlatsinissaminnut tunngavissalittut nalilerneqartut atorfinitsittassavai.

Imm. 3. Inuit ikorfartortit aningaasarsiaqartinneqassapput Kalaallit Nunaanni Namminersorlutik Oqartussat aammalu suliassa qarfiup iluani kattuffiup isumaqatigiissuteqarsinnaatitaaffeqartup, inuup ikorfartortip inissisimaffianiittup, akornanni isumaqatigiissutit naapertorlugit.

§ 27. Inunnut annertuumik innarluutilinnut ataasiakkaanut tamanut nal. akunneri ikorfartorneqarfiusussat amerlassusaat kommunalbestyrelsimit akuersissutigineqartassapput.

Imm. 2. Nal. akunneri ikorfartorneqarfiusussat nalinginnaasumik qaammatini arfinilinni atuuttussatut tunniunneqartarput.

Nammineq angerlarsimaffimmi paaqqutarineqarneq

§ 28. Inuk annertuumik innarluutilik nammineq angerlarsimaffimmini najugaqarpat ulluinnarni paaqqutarineqarneranik isumaginnittoq aningaasarsiaqartinneqarsinnaavoq. Taamaattorli piumasarineqarpoq pineqartup taamaaliornermigut nalinginnaasumik isertitaqarnissani tamakkiisumik ilaannakortumilluunniit annaasimassagaa.

Imm. 2. Nammineq meerarisamik paarsinermit taamaallaat aningaasarsiaqartitsisoqarsinnaavoq ulluunerani paaqqinniffimmi paarsineq periarfissatut naleqquttuunngippat.

Imm. 3. Nal. akunneri qassit aningaasarsiaqarfiussanersut kommunalbestyrelsip naliliiffigisassavaa.

Imm. 4. Aningaasartuutit SIK-p isumaqatigiissutai malillugit suliamik ilinniagaqanngitsup nal. akunnermusiaatut minnerpaatut amerlassuseqassapput.

Oqilisaassineq

§ 29. Inuk annertuumik innarluutilik nammineq angerlarsimaffimmini najugaqarpat, paaqqutarineqarneralu ilaqutariinnut annertuumik suliassa qartitsineruppat tamatuma oqilisaassivigineqarnissaa kommunalbestyrelsip akuersissutigisinnaavaa.

Imm. 2. Aatsaat oqilisaassinissaaq akuersissutigineqarsinnaavoq tamanna ilaqutariit annertuumik innarluutilimmik siunissami paaqqutarinnissinnaaginnarnissaannut tunngaviuppat.

Imm. 3. Aammattaaq oqilisaassinermut akuersissuteqartoqarsinnaavoq annertuumik innarluutilik angerlarsimaffimmi avataani najugaqarallarnissamik pisariaqartitsippat.

§ 30. Oqilisaassineq ilaqutariinni allani, ulloq unnuarlu paaqqinniffimmi allamiluunniit taamaaliornissamut naleqquttumi najugaqarallarnikkut pisinnaavoq.

§ 31. Najugaqarnermi atugassarititaasut pillugit kommunalbestyrelsit oqilisaassiviusorlu allaganngorlugu isumaqatigiissuteqassapput.

Imm. 2. Ilaqutariinnut oqilisaassisunut imaluunniit ulloq unnuarlu paaqqinnittarfirmut namminersortumik ingerlanneqartumut aningaasarsiaqartitsisoqarnissaa kommunalbestyrelsip akuersissutigisinnaavaa. Oqilisaassiffiusup nalaani aningaasarsiat inuup pilersorneqarneranut aningaasartuutinut ilaangillat.

Imm. 3. Pilersorneqarnermut aningaasartuutit pineqartumut pilersuisussaataitaasumit pilersuisussaataitaasunilluunniit akilerneqartassapput.

Imm. 4. Inuk annertuumik innarluutilik aamma/imaluunniit angajoqqaatut oqartussaannermik pigisaqartoq imaluunniit angajoqqaatut oqartussaagallartoq, inuk annertuumik innarluutilik 18-it ataallugit ukioqarsimappat imaluunniit nammineersinnaassuseqanngippat, aamma ilaqutariit oqilisaassinermi najugaqarfiit imaluunniit ulloq unnuarlu paaqqinnittarfik namminersorluni ingerlanneqartoq, pineqartup kommunimi najugaqarfiani kommunal-bestyrelsi suleqatigalugu, akunnerminni isumaqatigiissutigissavaat pilersorneqarneranut qanoq iliornikkut akiliisoqartassanersoq.

Imm. 5. Pisortanit pigineqartoq ulloq unnuarlu paaqqinnittarfik oqilisaasuuppat taamaallaat pilersuinermit akiliisoqassaaq, takuuk imm. 3.

§ 32. Akiliutit annertussusiat imatut aalajangerneqarput:

- | | |
|---|-----------------|
| 1) Pilersuineq
unnuarlu | kr. 49,84 ulloq |
| 2) Ilaqutariinnut oqilisaassinermi najugaqarfinnut akiliut
ulloq unnuarlu | kr. 284,00 |
| 3) Ulloq unnuarlu paaqqinnittarfinnut namminersortumik ingerlanneqartunut akiliut
ulloq unnuarlu | kr. 3.000,00 |

Imm. 2. Imm. 1-mi akigititatut oqaatigineqartut atuutilerput 1. Januar 2011-mi. Akigititat aaqqiissuteqarfigineqartassapput Kalaallit Nunaanni Naatsorsueqqissaartarfiup pisisartut aningaasartuutaannut tunngaviusutut pisortatigoortumik nalunaarutaat tunngavigalugit. Atuisunut akigititanut naleqqersuutip pointinik pingasunik allanngorneratigut 3 %-imik iluarsineqartassaaq. Iluarsineq januarip aallaqqaataani siullermi tulliuuttumiit atuutilertassaaq, julip aallaqqaataani atuisunut akigititanut naleqqersuut tunngavigalugu.

Imm. 3. Aningaasat iluarsineqarsimasut ukiut tamaasa januarip aallaqqaataani Naalakkersuisunit tamanut saqqummiunneqartassapput.

Pikkorissartitsisarnerit

§ 33. Annertuumik innarluutilinnut, ilaquataasunut, ikorfartortitut ikiortinut allanullu pikkorissarnernut peqataanissanut ikiorsiisoqarsinnaavoq, kommunalbestyrelsi isumaqarpat

pikkorissartitsinermi peqataaneq annertuumik innarluutillip ulluinnarni inuuneranut pitsanngoriaataasinnaasoq.

§ 34. Pikkorissartitsinermut atatillugu ikiorsiissutitut pikkorissartitsinermut akiliutit, angalanermut pikkorissarnerullu nalaani najukkamut aningaasartuutit kiisalu sulinikkut isertitassaraluanut annaasanut tamakkiisumik ilaannakortumilluunniit taarsiissutit ilaatinneqarsinnaallutik.

Imm. 2. Sulinikkut isertitassaraluit annaasat uppernarsaatissaqartinneqassapput.

Imm. 3. Sulinikkut isertitassaraluit annaasat annerpaafigissavaat PIP-mut isumaqatigiissutit malillugit ilinniarsimasutut atorfinitsititap aningaasarsiaasa minnerpaaffiat.

Ilinniagaqarnissamut aamma sulinermut iliuusissatut pilersaarusiaq

§ 35. Inuup annertuumik innarluutillip meeqqat atuarfianni atuarnini naammassigaangagu ilinniarnepup ingerlaqqinnissaanut aamma/imaluunniit sulinerup ingerlanneqarnissaanut, inuk annertuumik innarluuteqartoq aamma/imaluunniit angajoqqaatut oqartussaanimik pigisa-qartoq imaluunniit angajoqqaatut oqartussaagallartoq, inuk annertuumik innarluutilik 18-it ataallugit ukioqarsimappat imaluunniit nammineersinnaassuseqanngippat, suleqatigalugit kommunalbestyrelsip suliarissava ilinniagaqarnissamut aamma/imaluunniit suliamik ingerlataqarnissamut iliuusissatut pilersaarusiaq.

Imm. 2. Kommunalbestyrelsip iliuusissatut pilersaarusiaq suliaralugu aallartissavaa atuarnepup naammassinissaa kingusinnerpaamik qaammatinik sisamanik sioqqullugu.

Imm. 3. Iliuusissatut pilersaarusiaq naammasseriigaq pigineqassaaq atuarnepup naammassineqarnerani ullormi atuarfiusumi kingullerpaami.

Suliassaqaartitsineq

§ 36. Inummut annertuumik innarluutilimmut, ilinniagaqarnissamik imaluunniit suliffissaqaartitsinerup iluani sulinissamik neqeroorfigineqarsinnaanngitsumut, suliassamik tassunga naleqquttumik neqerooruteqarnissaq kommunalbestyrelsip isumagisinnaasariaqarppaa.

Imm. 2. Inuk annertuumik innarluutilik ulloq unnuarlu paaqqinnittarfimmi najugaqartuuppat naleqquttumik sammisassaqaarnissaanut neqeroorutissaqaarnissaq Naalakkersuisut sapinngisamik isumagissavaat.

§ 37. Sammisartaqitsineq ulluunerani sammisassaqaartitsivinni, nakkutigineqarluni sullivinni imaluunniit nakkutigineqarluni suliffinni ingerlanneqartassaaq.

§ 38. Inunnut annertuumik innarluutilinnut ulluunerani sammisassaqaartitsivinnik, aamma nakkutigineqartumik sullivinnik kommunalbestyrelsi pilersitsisinnaavoq.

Imm. 2. Nakkutigineqarluni sullivinnik, ulloq unnuarlu paaqqinnittarfinnut atasunik, Naalakkersuisut pilersitsisinnaapput.

Imm. 3. Ulluunerani sammisassaqaartitsiviit, nakkutigineqarlunilu sulliviit sammisassanik ineriartuutaasunik katsorsaataasunillu neqerooruteqartassapput.

Imm. 4. Nakkutigineqarluni sulliviit aaqqissuunneqarsimassapput inuit annertuumik innarluutillit

maskiinanik akuutissanillu navianarsinnaasunik imaluunniit allanik ajoqusiinnaasunik atuinissaminut periarfissaqarfiginngisaannik.

Imm. 5. Annertuumik innarluutilinnut nakkutigineqarluni sullivinni sammisaqartunut imaluunniit nakkutigineqarluni suliffimmi sulisunut sammissaqartitsinermut aningaasarsianik aningaasarsisitsisoqarsinnaavoq.

Imm. 6. Aningaasarsiat annertussusissaat aalajangerneqarpoq nal. akunneranut 15 kr.-ssasoq.

Najugaqatigiiffik

§ 39. Inuit annertuumik innarluutillit 18-it sinnerlugit ukiullit, ulluinnarni ikorfartorneqar-nissaminnik pisariaqartitsisut, kisiannili imminnut ima ikiorsinnaatigisut perorsaanikkut ulluinnarnilu suliassatigut ikiorneqarnissaminnik pisariaqartitsinerat killeqarluni, piginnaasamilli annertuumik annikillismanerat pissutigalugu imminerisaminnik najugaqarsinnaanngitsut, najugaqatigiiffinni inissaannik neqeroorfigineqassapput.

Imm. 2. Najugaqatigiiffimmi inigisaq sapinngisamik pineqartup kommunimi najugaqarfianiittoq neqeroorutigineqassaaq, sapinngisamik pineqartup angerlarsimaffianut qaninnerpaami.

§ 40. Taakkunannga pisariaqartitsineq naapertorlugu kommunalbestyrelsi najugaqatigiiffinnik pilersitsissaaq.

Imm. 2. Naalakkersuisutkommunalbestyrelsi najugaqatigiiffilioqqullugu peqqusinnaavaa, maakku tungavigalugit:

- 1) kommuni inunnut annertuumik innarluutilinnut 18-it sinnerlugit ukiulinnut marlunnut imaluunniit amerlanerusunut kommunitut najugaqarfiuppat,
- 2) pineqartut ulluunerani namminneq najugarisaminni imminnut ikiorsinnaanngippata aamma
- 3) pineqartut imminnut ikioqatigiillutik ingerlatsisinnaappata.

§ 41. Najugaqatigiiffik najugaqartut namminerisamik angerlarsimaffiattut isigineqassaaq. Najugaqatigiiffik imatut aqqqissuussaassaaq ineqartut tamarmik immikkut ineeraqassallutik, sapinngisamik namminneq perusersartarfeqarlutillu uffarfeqarlutik.

Imm. 2. Ineqartut ataatsimoorussamik isersimaartarfeqarlutillu igaffeqassapput.

Nakkutigineqarluni najugaqarfik

§ 42. Inunnut 18-inik ukioqalereersimasunut annertuumik innarluutilinnut paaqqutarineqarnissamik ikorfartorneqarnissamillu najugaqatigiiffinni neqeroorutigineqarsinnaasut saniatigut annertunerusumik pisariaqartitsisunut aammalu ulloq unnuarlu ikorfartorneqarnissamik pisariaqartitsisut naliliiffigisanut, nakkutigineqarluni najugaqarfimmi inissamik neqerooruteqartoqartassaaq.

Imm. 2. Nakkutigineqarluni najugaqarfimmi inigisaq sapinngisamik pineqartup kommu-nimi najugaqarfianiittoq neqeroorutigineqassaaq, sapinngisamik pineqartup angerlarsimaf-fianut qaninnerpaami.

§ 43. Taakkunannga pisariaqartitsineq naapertorlugu kommunalbestyrelsi nakkutigineqarluni najugaqarfinnik pilersitsissaaq.

Imm. 2. Naalackersuisutkommunalbestyrelsi nakkutigineqarluni najugaqarfilioqqullugu peqqusinnaavaa, kommuni inunnut annertuumik innarluutilinnut 18-it sinnerlugit ukiulinnut marlunnut imaluunniit amerlanerusunut, § 42 malillugu nakkutigineqarluni najugaqarfimmi inissaannik neqeroorfigineqartussanut, kommunitut najugaqarfiuppat.

§ 44. Nakkutigineqarluni najugaqarfik najugaqartut namminerisamik angerlarsimaffiattut isigineqassaaq. Najugaqarfik imatut aaqqissuussaassaaq ineqartut tamarmik immikkut ineeraqassallutik, sapinngisamik namminneq perusuersartarfeqarlutillu uffarfeqarlutik.

Imm. 2. Ineqartut ataatsimoorussamik isersimaartarfeqarlutillu igaffeqassapput.

Imm. 3. Ineqarfik aaqqissuussaassaaq paarsisunut sulisunut ineeralerlugu.

Inunnut annertuumik innarluutilinnut ulloq unnuarlu paaqqinnittarfiit

§ 45. Inuit annertuumik innarluutillit, nakkutigineqarluni najugaqarfinni paaqqutarineqarnissamik ikorfartorneqarnissamillu neqeroorutinit annertunerusumik pisariaqartitsisut, ulloq unnuarlu paaqqinnittarfimmi najugaqarnissaminnik neqeroorfigineqassapput.

Imm. 2. Inuit annertuumik innarluutillit ulloq unnuarlu paaqqinnittarfimmi najugaqarnerminni inuit annertuumik innarluutillit ataasiakkaat ikorfartorneqarnissaminnik paaqqutarineqarnissaminnillu pisariaqartitaat naammassineqartassapput.

§ 46. Inunnut annertuumik innarluutilinnut ulloq unnuarlu paaqqinnittarfinni inissat pisariaqartinneqartut pigineqarnersut Naalackersuisut nakkutigissavaat.

Imm. 2. Inunnut annertuumik innarluutilinnut ulloq unnuarlu paaqqinnittarfiit pilersinneqarnerini Naalackersuisut ataqatigiissitsisuullutillu ingerlatsisuussapput.

§ 47. Inunnut annertuumik innarluutilinnut ulloq unnuarlu paaqqinnittarfiit aaqqissugaanissaannut tunngatillugu aalajangersakkat atuuttut innersuussutigineqarput.

Kalaallit Nunaata avataani najugaqarneq

§ 48. Kalaallit Nunaanni najugaqarnissamut tunngatillugu periarfissat nungussimappata, Naalackersuisut akuersissuteqarnerisigut Kalaallit Nunaata avataanut inissiisoqarsinnaavoq.

Imm. 2. Akuersissuteqarneqpissaaq kommunalbestyrelsip inassuteqarnera tunngavigalugu.

§ 49. Kalaallit Nunaata avataani inissiinerup ingerlatiinnarneqarnissaanut apeqqut kommunalbestyrelsimit nalilersorneqartassaaq, pissutsit pisariaqartitsinerat malillugu akulikissusilimmik, kisiannili inissiinerup aallartinneraniit minnerpaamik qaammatit aqqaneq marluk qanngiunneranni, ingerlanneqartassallunilu inissiinerup attanneqarnerani. Tamatuma kingorna kommunalbestyrelsip minnerpaamik ukiumut ataasiarluni pineqartup Kalaallit Nunaannut uternissaanut periarfissat misissortassavai.

Imm. 2. Kalaallit Nunaanni inissiinissamut naleqquttumik periarfissaqartinnagu angerlartitsinissaq periarfissaqanngilaq.

Imm. 3. Angerlartitsinissaqsoqqullugu angerlartitsinissarlu minnerpaamik sap. akunnerinik 16-niksioqqullugu iliuusissatut pilersaarussiaq piareersimassaaq. Iliuusissatut pilersaarussiaq

angerlartitsinnginnermi Naalackersuisunut oqaaseqarfigisassatut saqqummiunneqassaaq.

Tikeraarnermut atatillugu angalanerit pisunullu immikkut ittunut il.il. atatillugu angalanerit

§ 50. Inuk annertuumik innarluutilik innarluuteqarnini pissutigalugu nunagisami avataani najugaqartoq ukiumut ataasiarluni nunagisaminut feriarnissaminut ikiorserneqarsinnaavoq. Piumasaqaataavoq, pineqartoq nunagisamini naleqquttumik najugaqarfigisinnaasaminik neqeroorfigineqarsinnaanginnini pissutigalugu, nunagisami avataani najugaqartuussasoq aamma najugaqarneq pillugu kommunalbestyrelsi imaluunniit Naalackersuisut aalajangiisuusimassasut. *Imm. 2.* Ikiorssiisutit angalanermut najugaqarnermilu aningaasartuutinut tamakkiisumik ilaannakortumilluunniit matusissutissatut ikiorssiisutigineqassapput.

§ 51. Aammattaaq ikiorssiisutitut pisariaqartinneqartumik angallassisut angalanerinit najugaqarnerinullu aningaasartuutit ilaatinneqarsinnaapput. Angallassisut, innarluutilimmut ilaqutaanngitsut, ullormusiaat, angallassinermi aningaasarsiaat sulinermilu annaasarinnaasanut taarsiisutit ikiorssiisutit aamma akilerneqassapput.

Imm. 2. Innuk annertuumik innarluutilik Kalaallit Nunaata avataani najugaqarfigisamini sulisumit angallanneqarpat, sulisumik taarteqartitsinermi aningaasartuutit matussuserneqarsinnaapput.

Imm. 3. Inuup annertuumik innarluutillip angalanissamini kina angalaqatigissanerlugu sapinngisamik nammineerluni aalajangissavaa. Pineqartoq nammineerluni taamatuminnga aalajangiisinnaangippat, kommunalbestyrelsi aalajangiisaaq. Tamanna ingerlanneqassaaq innarluutilik nammineq, angajoqqaatut oqartussaassuseqartoq innarluutilimmulluunniit angajoqqaatut oqartussaassuseqarallartoq, inuk annertuumik innarluutilik nammineer-sinnaajunnaarsitaasimappat, kiisalu pisariaqassappat paaqqinniffimmi sulisut suleqatigalugit.

§ 52. Angalanissaq inuit annertuumik innarluutillit sapinngisamik nammineerlutik aaqqissuuttassavaat, matumani ilanngullugu aalajangertassallugu angalaneq ukiup qanoq ilinerani pissanersoq. Ilaqutariinni pisut immikkut ittut/nalliuttorsiornerit annertuumik innarluutillip peqataaffigissallugit kissaatigisai ataqqineqassapput.

Imm. 2. Inuup innarluutillip angalanissani namminnerluni aaqqissuussinnaangippagu, piffissat angalaffiusussat, innarluutilik nammineq, angajoqqaatut oqartussaassuseqartoq innarluutilimmulluunniit angajoqqaatut oqartussaassuseqarallartoq, paaqqinnittarfimmi sulisut aammalu annertuumik innarluutillip qanigisani tikeraagassai suleqatigalugit, kommunalbestyrelsip aalajangertassavai.

§ 53. Inuk annertuumik innarluutilik tikeraarluni angalanerminut atatillugu immikkut ikorfartorneqarnissaminik pisariaqartitsippat, matumani oqalutseqartitsineq ilanngullugu, qinnuteqaateqarenikkut kommunimi najugarisami kommunalbestyrelsi tamatumunnga ikiorssiisuteqarsinnaavoq.

Imm. 2. Inuit annertuumik innarluutillit Danmarkimiittut eqqarsaatigalugit inuk pineqartoq nammineq paaqqinnittarfimmiluunniit najugarisami sulisut tassaapput immikkut ikorfartuutissat pillugit qinnuteqaateqartussat. Qinnuteqaat taanna Kalaallit Nunaanni kommunimut najugaqarfimmut nassiunneqassaaq.

§ 54. Inuup annertuumik innarluutillip § 50 tunngavigalugu tikeraarsinnaatitaanini atorsinnaanngippagu tassunga taarsiullugu pineqartup qanigisatut ilaqutaa annertuumik innarluutilimmut pineqartumut tikeraarluni angalanerminut atatillugu aningaasar-tuutitut ikiorsiiffigineqarsinnaavoq

Imm. 2. Inuup annertuumik innarluutillip nammineersinnaassuseqartup qanigisamisut ilaqtutani kina tikeraartissatut kissaatiginerlugu sapinngisamik nammineerluni aalajangissavaa.

Imm. 3. Inuk pineqartoq 18-it inorlugit ukioqarpat angajoqqaatut oqartussaassuseqartoq aalajangiissaaq. Inuk pineqartoq nammineersinnaassusiagaasimappat angajoqqaatut oqartussaassuseqarallartoq kommunalbestyrelsi suleqatigalugu aalajangiissaaq. Inuk annertuumik innarluutilik aalajangiinermi sapinngisamik annertunerpaamik nammineerluni peqataatinneqassaaq.

§ 55. Inuit annertuumik innarluutillit 18-it inorlugit ukiullit angajoqqaatut oqartussaassuseqartumut attaveqarnerisa ingerlaavartuunissaa siunertaralugu pisariaqarfiisigut ukiumoortumik sulii ataasiarlutik tikeraarsinnaanissaat akuerineqarsinnaavoq. Taamaattorli angalaneq meeqqap katsorsarneqarneranut akornutaassanngilaq.

Imm. 2. Inuup annertuumik innarluutillip 18-it inorlugit ukiullip nammineerluni tamanna kissaatigippagu, angajoqqaatut oqartussaassuseqartumut pinnani qanigisatulli ilaqtutamat allamut tikeraarnissaa akuersissutigineqarsinnaavoq. Taamaattorli piumasarineqarpoq angajoqqaatut oqartussaassutsimik tigummisaqartup tamatumunnga isumaqataanissaa.

Imm. 3. Inuup annertuumik innarluutillip tamanna nammineerluni kissaatigippagu annertuumik innarluutillip tikeraarnissaanut taarsiullugu angajoqqaatut oqartussaassuseqartoq qanigisatulluunniit ilaqutaasoq alla annertuumik innarluutilimmut tikeraassasoq akuersissu-tigineqarsinnaavoq. Taamaattorli piumasarineqarpoq angajoqqaatut oqartussaassutsimik tigummisaqartup tamatumunnga isumaqataanissaa.

§ 56. Inuk annertuumik innarluutilik 18-it inorlugit ukiulik paaqqinnittarfimmut allamut nuuppat pineqartup angalanermut periarfissaata aappaa angajoqqaatut oqartussaassuseqartup paaqqinniffimmut nutaamut tassunga tikeraarnissaanut nuunneqarsinnaavoq.

§ 57. Angerlarsimaffigisatut najukkamat tikinniarnep ajornakusoortuunera, ikiorsiinissamat atortorissaaruteqarnissamulluunniit periarfissat amigaatigineqarnerat pissutigalugit inuit annertuumik innarluutillit ilaqtutaminnut qaniginerpaasaminnut tikeraarsinnaanngippata, taarsiullugu angerlarsimaffigisatut najugarisap qanittuaniittumut illoqarfimmut pineqartup, angallassisut qanigisatullu ilaqutaanit ataatsip angalanissaat akuersissutigineqarsinnaavoq.

Imm. 2. Angalanermut ineqarnermullu aningaasartuutit tamakkiisumik ilaannakortumilluunniit ikiorsiissutigineqassapput. Aammattaaq angallassisut ilaqutaanngitsut eqqarsaatigalugit taakku ullormusiaat kiisalu angallassinermut aningaasarsiaqarsimappata aningaasarsiaat aamma sulinikkut isertitassaralumikkut annaasaat ikiorsiissutigit matussuserneqassapput.

§ 58. Pissutsit immikkut ittut atuutsillugit annertuumik innarluutillit § 50-mi pineqartunut ilaatinneqartut assersuutigalugu qanigisatut ilaqtut napparsimarulunneranut, toquneranut ilisaaneranulluunniit atatillugu Kalaallit Nunaanni imaluunniit Kalaallit Nunaannut angalanissamat ikiorserneqarsinnaapput.

Imm. 2. Pissutsit immikkut illuinnartut atuutsillugit annertuumik innarluutillip § 50-imi pineqartunut

ilaatinneqartup, qaniginerpaasaata angalanissaannut ikiorsiisoqarnissaa akuersissutigineqarsinnaavoq, assersuutigalugu innarluutillip pingaarutilimmik ullorsiorneranut imaluunniit napparsimarulunneranut atatillugu.

Imm. 3. Inuit § 50-mi pineqartunut ilaatinneqartut nunagisami avataaniitillutik toquppata illerfiisa angallanneqarnerinut aningaasartuutit tamakkiisumik ilaannakortumilluunniit matussutissaqartinneqarnissaat akuersissutigineqarsinnaavoq.

§ 59. Inuk annertuumik innarluutilik Kalaallit Nunaanni najugaqartoq aamma § 50-mi § 55-milu pineqartunut ilaatinneqanngitsoq nammineq akilikkamini namminerlu suliniuteqarnermigut feriarpat, angallassisoqartinnani feriarinnaanani, angallanneqarnissaanut ikiorsii-ssuteqartoqarnissaa akuersissutigineqarsinnaavoq.

Imm. 2. Angallassisoqarnermut aningaasartuutit makku tamakkiisumik ilaannakortumilluunniit akilerneqarnissaat akuersissutigineqarsinnaaput:

- 1) Angalanermut- najugaqarnermut aningaasartuutit
- 2) Ullormusiat
- 3) Angalaqataasumut aningaasarsiat
- 4) Sulinikkut isertitassaraluanik annaasaqaatit.

Imm. 3. Inuit annertuumik innarluutillit 18-inik taakkulunniit sinnerlugit ukioqartut aalajangersagaq manna tunngavigalugu taamaallaat ukiut pingasukkaarlugit ikiorserneqarsinnaapput.

Imm. 4. Inuit annertuumik innarluutillit 18-it inorlugit ukioqartut aalajangersagaq manna tunngavigalugu ukiut tamaasa ikiorserneqarsinnaapput.

§ 60. § 50, § 55, § 57 § 59-ilu tunngavigalugit tikeraarnermut feeriarluni angalanernut ikiorsiissuteqarneq sivisunerpaamik ullunik unnuanillu qulingiluanik sivisussuseqartunut akuersissuteqartoqarsinnaavoq, piffissaq tikeraarnerup angalanerulluunniit ulluisa amerlassusii apequtaatinnagit. Feriarluni ulloq aallarfiusoq, kiisalu naggataa naatsorsuineranut ilanngunneqassanngillat.

Kapitali 3

Aqutsineq

§ 61. Kommunalbestyrelsi inuit annertuumik innarluutilillit siunnersorneqarneranni, ilitsersorneqarneranni ikorfartorneqarnerannilu tapersersuisassaaq kiisalu ikiorsiissutissat suut neqeroorutigineqarsinnaanerini paasisitsiniaanerni ikiuisassalluni.

Imm. 2. Kommunalbestyrelsi nalilersussavaa atortutigut ikiorsiissutit suut aallartinneqarta-riaraqnersut, inuit annertuumik innarluutillit sapinngisamik nalinginnaasumik inuuneqarneq qaninnerpaajullugu inuusinnaaqqullugit.

Imm. 3. Kommunalbestyrelsi inunnut annertuumik innarluutilinnut taamaallaat ikiorsiissuteqarsinnaavoq, inatsit alla tunngavigalugu ikiuisinnaanermut periarfissaqanngippat.

§ 62. Atortutigut ikiorsiissutit toqqarneqartassapput inuk annertuumik innarluutilik ikiorsiissutinik tigusaqartussaq suleqatigalugu.

Imm. 2. Suliamik ingerlatsisup suliassaraa inuup annertuumik innarluutillip imaluunniit

angajoqqaatut oqartussaassusillip imaluunniit angajoqqaatut oqartussaassuseqarallartup, inuk innarluutilik 18-it inorlugit ukioqarsimappat nammineersinnaajunnaarsinneqarsimappat, ilisimatinnissaat ikiorsiissuteqarnerup suna kingunerineraa aammalu toqqagassat suut piunersut, taamaalilluni pineqartup ikiorsiissutissat toqqarneqartut ilisimaniassammagit.

§ 63. Inummut annertuumik innarluutilimmut ikiorsiissuteqarnissamik kommunalbestyrelsimut qinnuteqaatit tamarmik paasisutissanik pineqartup aqqanik, najugaanik aamma cpr. nr.-anik imaqaassapput.

Imm. 2. Ersarissumik nalunaarutigineqassaaq ikiuinissaq qanoq ittoq qinnuteqaatigineqarnerisooq. Ikorsiinissaq katsorsartinnerup ingerlaneranut ilaappat, taava iliuusissatut pilersaarusiaq suliarineqarsimasooq ilanngunneqassaaq.

Imm. 3. Qinnuteqaat aamma inuup innarluutaanut, piginnaassuseqarneranut, ilinniagaqarsimaneranut, inuussutissarsiutaanut kiisalu inuttut isumaginninnikkut atugaanut tunngasunik paasisutissanik imaqaassaaq.

Kapitali 4

Kisitsisinngorlugit paasisutissat

§ 64. Kisitsisinngorlugit paasisutissanik il.il. paasisutissiineq kommunalbestyrelsip suliarissavaa.

Imm. 2. Kisitsisinngorlugit paasisutissat imaqarput qanoq ukioqarnermik, arnaanermik angutaanermilluunniit, sumi najugaqarnermik, qanga ilanngunneqarsimanermik, ikiorsiissu-tinik atuilernermik, qanga akuersissuteqarsimanermik aamma akuersissutip atuuffiata sivisussusianik.

Imm. 3. Kisitsisitigut paasisutissat ataavartumik malinnaasineqassapput Naalakkersuisunullu nassiunneqartassallutik ukiut tamaasa kingusinnerpaamik 1. marts.

Imm. 4. Naalakkersuisut imm. 3-mi kisitsisitigut paasisutissat nassiunneqartartut saniatigut sukkulluunniit kommunalbestyrelsi qinnuvigisinnaavaa kisitsisitigut paasisutissanik nassiusseqqullugu, tak. imm. 2.

Imm. 5. Naalakkersuisut imm. 2-mi taaneqartut saniatigut sukkulluunniit qinnutigisinnaavai kisitsisitigut paasisutissat allat.

Kapitali 5

Maalaaruteqarsinnaaneq

§ 65. Kommunalborgestyprelsip aamma Naalakkersuisut nalunaarut manna malillugu aalajangiineri suliaassanngorteqqinneqarsinnaapput Isumaginninnermi Naammagittaalliuteqartarfimmuut isumaginninnerup aqunneqarnera aqqissugaaneralu pillugut inatsisartut peqqussutaani aalajangersakkat tunngavigalugit.

Kapitali 6

Atortuulersitsineq

§ 66. Nalunaarut manna 1. januar 2011 aallernerfigalugu atortuulersinneqarpoq.

Imm. 2. Nalunaarut manna atuuppoq aningaasatigut atugassiissutitut imm. 1-imi ulloq taaneqartutut nalunaarutigineqartoq malillugu.

Imm. 3. Tamatumunnga peqatigitillugu Annertuumik innarluutillit ikiorserneqartarnerat pillugu Namminersornerullutik Oqartussat nalunaarutaat nr. 9, 4. april 2008-meersoq atorunnaarsinneqarpoq.

§ 67. Tikeraarluni angalanerit, feriarluni angalanerit aamma pisunut immikkut ittunut il.il. atatillugu angalanerit pillugit kapitali 2-mi aalajangersakkat aamma atuupput inunnut nalunaarutip matuma atortuulersinneqannginnerani Kalaallit Nunaanni isumaginninnermut oqartussaasunit Danmarkimi innarluutilittut isumagineqartussatut inissinneqarsimasunut, tamatumalu kingorna danskisut siusinaartumik pensionisiaqalersinneqarsimasunut.

Kalaallit Nunaanni Namminersorlutik Oqartussat, ulloq 16. decemberi 2010

Maliina Abelsen

/

Konny Olesen